

五號晚香山公所。開會歡迎。到者甚衆。極形踴躍。鍾先生自到古後。中華會館總理蔣修身副總理陳了如書記蔣安良諸先生偕同鍾先生往各社團體及各店拜客。備受歡迎云。

（以下錄古巴華文商報及開明報）

鍾榮光先生晉謁各界

前廣東教育司。現任嶺南大學監督鍾榮光先生。于三號抵灣。已紀前報。先生舍館甫定。即于昨日偕同其高足周文波先生。晉謁公使領事。及拜候各商家社團。藉資接洽。而篤鄉情。所到之處。各界無不厚意歡迎。優禮相待。對於協助農科大學之事。均覺表示好意。將來捐款。想必甚爲踴躍云。

中國使署讌客紀盛

本灣訪函云。昨禮拜五日。（十四號）使署大排讌筵。爲鍾榮光。黃三德。鐘仲芍。謝超傑。區詠篤。周文波。諸先洗塵。并爲陳屈伸先生餞行。特柬請各社會商庄報界重要人員一齊赴席。計是晚赴席者有蔣君修身。游公惠裳。李公戩伯。蔣君北斗。陳君丁如。黃君傑良。趙君式睦。

趙君鼎榮。黃君仲和。雷君溢潮。黃君麗生。陳君亮明。陳君孟瑜。黃君誦芬。司徒君泉。洪君少植。陳君伯清。本報記者陳月湖。與使領署人員章領事守默先生。孫領事慕唐先生。陳主事體乾先生。葉君承恩。張君梅初等。一齊會讌。惟李子賢。陳星梅。程玉書。高奎梧。關少渠。鍾汝炬。朱權如。諸先生。則因公不到。席設使署。係由太平洋酒樓接辦。約是晚七點鐘。各客即自僱大自由車齊赴使署。車馬闐門。冠裳赫耀。各盡賓主之禮。殷殷握手道歡。稍事休息。即行開讌。

刁公使贊助嶺南農科大學之介紹書照錄

茲由訪查所得。昨（四號）朝鍾榮光先生赴使晉謁刁公使。暢談甚久。公使對於鍾先生辦理嶺南大學。成績卓著。人才輩出。爲西南大學之首屈一指。極爲嘉許。甚願華僑一致贊助。並寫介紹書四封。一交中華會館。一交中華商會。一交致公堂。一交國民黨。令各社會極力幫助。俾捐款易收良果。藉養吾國農業之人才云。即將訪得公使原函錄后。

逕啓者。嶺南大學創設有年。造就多材。爲國効力。成績昭著。無俟贅